

四庫全書薈要

• 乾隆御覽本

經部

欽定四庫全書薈要

經部

左傳注疏卷二十九



春秋左傳注疏卷二十九

起襄公元年盡四年

晉杜氏注

唐陸德明音義

孔穎達疏

襄公音義

陸曰襄公名午成公子母定姒謚法因事有功曰襄辟土有德曰襄

疏正義曰魯

四年即位謚法因事有功曰襄是歲歲在壽星

經元年春王正月公即位注無傳於是公年四歲疏

正義

曰九年傳曰會于沙隨之歲寡君以生晉侯曰十二年矣知於是公年四歲

仲孫蔑會晉欒黶宋華元衛甯殖曹人莒人邾人滕人

薛人圍宋彭城注魯與謀於虛打而書會者稟命霸主

非匹敵故音義

魯與音預

夏晉韓厥帥師伐鄭

仲孫蔑會齊崔杼曹人邾人杞人次于鄆注鄆鄭地在

陳留襄邑縣東南書次兵不加鄭次鄆以待晉師音義

鄆才疏

正義曰釋例曰兵未有所加所次則書之以示邊遠既書兵所加則不書其所次此書次于鄆

者爲此晉齊曹邾杞其兵皆不加鄭故書次也傳曰於是東諸侯之師次于鄆以待晉師是韓厥伐鄭此次以

待之

秋楚公子壬夫帥師侵宋

九月辛酉天王崩注無傳辛酉九月十五日疏

正義曰顯言此

日者欲明下冬聘是十月之初
爲王崩日近赴人未至故也

邾子來朝

冬衛侯使公孫剽來聘注剽子叔黑背子音義

剽匹妙反字林

匹召反

晉侯使荀罃來聘注冬者十月初也王崩赴未至皆未

聞喪故各得行朝聘之禮而傳善之疏

正義曰禮記曾子問曰諸侯相

見揖讓入門不得終禮廢者幾孔子曰六天子崩大廟
火日食后夫人之喪雨雪服失容則廢是王崩當廢禮
也今傳釋此朝聘皆云禮也知此冬者是十月之初
崩赴未至由其俱未聞喪故得以吉行禮而傳善之

傳元年春己亥圍宋彭城注下有二月則此己亥爲

正月正月無己亥日誤疏

正義曰長歷推此年正月
庚戌朔其月無己亥圍宋

彭城經在正月之下傳文下有二月則
己亥必是正月月不容誤知是日誤

非宋地追書

也注成十八年楚取彭城以封魚石故曰非宋地夫

子治春秋追書繫之宋疏

正義曰公羊傳曰宋華元
曷爲與諸侯圍宋彭城爲

宋誅也其爲宋誅奈何魚石走之楚楚爲之伐宋取
彭城以封魚石成十八年傳曰楚伐彭城納魚石焉

以三百乘戍之而還西鉏吾曰崇諸侯之姦而拔其地不言取爲楚邑而云拔地長姦是左氏之意亦爲楚以彭城封魚石爲國故注言封魚石也既列爲國非復宋地傳言追書是仲尼新意故云夫子治春秋追書繫之宋也言追書者其地已非宋有追來使屬宋耳非謂夫子在後追書前事若以追爲在後追前則仲尼新意皆是追書於是爲宋討魚石故稱宋且前事非獨此爲追書也

不登叛人也注登成也不與其專邑叛君故使彭城

還繫宋音義

爲子疏正義曰登成釋詁文不與其專邑叛君不與楚得取邑封人故

使彭城還繫於宋也釋例曰楚人棄君助臣取宋彭城以封叛者削正與僞雖非復宋地故追書繫宋不與楚之所得是其義也言不登叛人則叛罪重矣不書魚石以彭城叛者孫林父將戚而出故得書云孫

林父入于戚以叛此則因楚之力取彭城與宋交爭
非欲出附他國故言復入也若總而言之俱是背叛
於君故云不
登叛人也
謂之宋志注稱宋亦以成宋志疏正義曰魚

石舊是宋人今還取宋地以自封若其不繫於宋則
成此魚石爲一國之君夫子追繫於宋乃有二意於
是爲宋討魚石宜繫于宋且又不成此爲叛人使得
取君之邑以爲一國之主有此二意故繫之於宋謂
之宋志者言宋人志在攻取彭城故以魚石繫之於
宋成此宋人之志注正義曰此與隱元年謂之鄭志
義勢同也鄭伯實不獲段而經書克謂之鄭志言鄭
伯志于殺雖實不克段而書之爲克見鄭伯之志也
此彭城實非宋地而經書爲宋謂之宋志言宋人志
在取之雖實非宋地而繫之於宋成宋人之志也夫
子脩春秋而傳于此二條特言謂之宋志謂之鄭志
者夫子所脩春秋或褒或貶皆是夫子之志非取國

人之志此宋志鄭志者以其雖是夫子所脩還取二
國本志故也案下十年戊鄭虎牢傳云非鄭地也言
將歸焉杜云繫之于鄭以見晉志即此類也彭城降
於此二事傳例已明故彼不云謂之晉志也

晉晉人以宋五大夫在彭城者歸寘諸瓠丘注彭城

降不書賤畧之瓠丘晉地河東東垣縣東南有壺丘

五大夫魚石向爲人鱗朱向帶魚府音義降戶江反

豉反音徐侯吳反一疏正義曰案莊八年鄭降于齊
音戶故反垣音素師既書於經則知彭城之降

亦合書也今不書者但以其賤故畧之也晉樂盈復
入于晉下云晉人殺樂盈而書於經此彭城降所以
賤畧不書者彼以殺之爲重來告齊人不會彭城晉
故書此以降事爲輕故爲賤畧

人以爲討二月齊太子光爲質於晉注光齊靈公太

子音義

質音致

○夏五月晉韓厥荀偃帥諸侯之師伐

鄭入其郛注荀偃不書非元帥音義

郭芳夫反元疏帥所類反

正義曰傳唯言諸侯之師不見諸侯之國未知諸侯之師是何國師也於是東諸侯之師次于郛以待晉師則次鄭之師皆不與伐鄭此諸侯之師其中必無齊魯曹邾杞也案上圍彭城除此五國以外猶有宋衛莒滕薛下云晉侯衛侯次于戚以爲之援則衛師從伐明矣明年戚之會知武子云滕薛小邾之不至皆齊故於戚之會始怪滕薛不來明此時伐鄭滕薛在矣東諸侯皆次于郛莒在齊魯之東若其在此當與東人同次前圍彭城亦無小邾此時或無莒與小邾耳諸侯之師當是宋衛滕薛也賈逵云韓厥荀偃

帥諸侯之師謂帥宋衛滕薛伐鄭齊魯曹邾杞宋于
鄭故諸侯之師不序也入邾不書者晉人先以鄭罪
今於諸侯故書伐鄭入邾既敗鄭不復告故不書注
正義曰魯師出征並舉諸將他國之師唯書元帥詳
內畧外春秋之常故杜
爲注復時一言之耳 敗其徒兵于洧上注徒兵步

兵洧水出密縣東南至長平入潁音義

洧于疏正義
軌反曰論

語云以吾從大夫之後不可徒行徒猶空也謂無車
空行也步行謂之徒行故步兵謂之徒兵也隱四年
傳云敗鄭徒兵注云時
鄭不車戰則此亦然也 於是東諸侯之師次于郕以

待晉師注齊魯曹邾杞晉師自鄭以郕之師侵楚焦

夷及陳注於是孟獻子自郕先歸不與侵陳楚故不

書音義

焦如字徐在堯反不與音預

疏

正義曰獻子先歸傳無其事正以不書侵楚侵陳知

其必先歸矣若獻子從師則書不待告以獻子先歸晉不告魯故侵陳楚皆不書也然不知獻子何以先歸傳既不言未測其故也今僭云則先歸者以前年虛打會獻子先歸會葬今公雖即位年又幼小君既新立故獻子先歸

晉侯衛侯次于戚以爲之援注爲韓厥援

○秋楚子辛救鄭侵宋呂留注呂留二縣名屬彭城

郡鄭子然侵宋取犬丘注譙國鄆縣東北有犬丘城

汙迴疑音義

鄆才河反又子且反迂音子

○九月邾子來朝禮也

注邾宣公○冬衛子叔晉知武子來聘禮也凡諸侯

即位小國朝之注小事大大國聘焉注大事小以繼

好結信謀事補闕禮之大者也注闕猶過也禮以安

國家利民人爲大音義

好呼報反

經二年春王正月葬簡王注無傳五月而葬速

鄭師伐宋注書伐從告

夏五月庚寅夫人姜氏薨

六月庚辰鄭伯踰卒注未與襄同盟而赴以名庚辰七

月九日書六月經誤音義

踰古困反徐疏正義曰踰以又胡付反成八年即位

九年盟于蒲十五年于戚又七年楚子重伐鄭諸侯救鄭而楚退同盟于馬陵諸侯雖不重序明亦與鄭同盟則是與成三同盟矣與其父盟於法得以名赴其子此云未與東同盟而赴以名者言其嘗與成同盟於法得以名赴襄也此類多矣注皆云與其父同盟而已此注特言未與東同盟者以此時鄭既從楚撫其已昔前盟不合更以名赴故明之也此經云六月庚辰鄭伯踰卒傳言七月庚辰鄭伯踰卒經傳必有誤者杜以長歷校之此年六月壬寅朔其月無庚辰七月壬申朔九日得庚辰則傳與歷合知傳是而經誤也此經六月七月其文皆具所言誤者非徒字誤而已乃是書經爲誤七月之事錯書以爲六月故長歷云書於六月經誤言元本書之誤非字誤也

晉師宋師衛甯殖侵鄭注宋雖非卿師重故叙衛上音

義

殖市疏正義曰於例將卑師衆稱師將尊師少稱將

力反疏此晉宋稱師不書將非卿也衛甯殖書將不

稱師師少也晉爲兵主故當先書宋

雖非卿以師爲重故序甯殖之上

秋七月仲孫蔑會晉荀營宋華元衛孫林父曹人邾人

于戚

己丑葬我小君齊姜注齊諡也三月而葬速音義

齊如字諡

法執心克莊曰齊或音側皆反非

疏

正義曰諡法執心克莊曰齊是齊爲諡也葬而舉諡禮之常也此特

云齊諡者以諡齊者少且齊齊同字夫人齊女嬖齊非

諡晉太子申生之母稱齊姜者齊女姓姜氏彼齊非諡

故此須明之

叔孫豹如宋注豹於此始自齊還爲卿

冬仲孫蔑會晉荀罃齊崔杼宋華元衛孫林父曹人邾

人滕人薛人小邾人于戚遂城虎牢注以逼鄭疏

正義曰虎

牢是鄭舊邑此時屬晉而不繫晉者莊三十二年注云大都以名通者則不繫國此以名通故不繫晉也十年戌鄭虎牢繫於鄭者傳曰非鄭地也言將歸焉彼爲將歸鄭而繫之鄭也或當虎牢雖已屬晉晉人新得不爲已有故不繫晉也

楚殺其大夫公子申

傳二年春鄭師侵宋楚令也注以彭城故○齊侯伐

萊萊人使正與子賂夙沙衛以索馬牛皆百匹注夙

沙衛齊寺人索簡擇好者音義

萊音來與音餘本亦作與索所白反疏

正義曰司馬法丘出馬一匹牛三頭則牛當稱頭而亦云匹者因馬而名牛曰匹并言之耳經傳之文此類多矣易繫辭云潤之以風雨論語云沽酒市脯不食玉藻云大夫不得造車馬皆從一而省文也齊

師乃還君子是以知齊靈公之爲靈也注謚法亂而

不損曰靈言謚應其行音義

應應對之應年末同行下孟反

○夏齊

姜薨初穆姜使擇美櫝注櫝梓之屬音義

櫝古雅反木名疏

正義曰釋木云槐小葉曰櫝郭璞曰槐當爲楸楸細葉者爲櫝又云大而鼓楸小而鼓櫝樊光云大老也

斂楷皮也皮老而麓楷者爲楸小少也少而麓楷者
爲楸又云椅梓郭璞曰即楸也如彼所云楸梓皆楸
之小別故云
梓之屬也
以自爲櫬與頌琴注櫬棺也頌琴琴名

猶言雅琴皆欲以送終音義

櫬初疏正義曰以論死
反者言櫬知櫬是

棺也四年注云櫬親身棺也以親近其身故以櫬爲
名焉禮記檀弓曰天子之棺四重水兕革棺一柁棺

一梓棺二鄭云云柁棺也所謂槨棺也梓棺二所謂
與大棺也記文從內向外水兕革棺最近尸也次

梓以櫬爲之次屬與大棺乃以梓爲之檀弓又云君
即位而爲梓鄭玄云梓謂柁棺親尸者梓堅著之言

也天子梓內又有水兕革棺喪大記云君大棺八寸
屬六寸梓四寸如彼記文諸侯之棺三重親身之棺

名之爲梓梓即櫬是也其梓用槨爲之屬與大棺乃
用梓耳此以梓爲櫬者名之曰櫬其內必無棺也擇

禮爲槨其槨必用梓也記雖言即位爲梓不言梓所用木鄭重據天子之棺其梓用柁即云梓謂柁棺也天子之梓自用柁則諸侯不必然據此傳文諸侯之梓必用梓也頌琴者詩爲樂章琴瑟必以歌詩詩有雅頌故以頌爲琴名猶如言雅琴也觀琴同文知皆欲以送終也

季文子取以葬君

子曰非禮也禮無所逆婦養姑者也虧姑以成婦逆

莫大焉注穆姜成公母齊姜成公婦音義

養徐余亮反

詩

曰其惟哲人告之詒言順德之行注詩大雅哲知也

詒善也言知者行事無不順音義

話戶快反知音致下同

季孫

於是爲不哲矣注言逆德音義

爲不哲矣一本作不爲哲矣

疏

正義

曰詩大雅抑之篇也其惟有知之人告之以善言則順從之爲美德之行矣言知者行事無有不順從者今季孫逆之於是爲不

且姜氏君之妣也注襄公適

知矣哲知釋言文也

母故曰君之妣音義

妣必履反適丁歷反本又作嫡

疏正義曰曲禮

母死曰考曰妣襄公是成公之妾定妣所生齊姜是其適母故曰君之妣也

詩曰爲酒爲

醴烝畀祖妣以洽百禮降福孔偕注詩周頌烝進也

畀與也偕徧也言敬事祖妣則鬼神降福季孫葬姜

氏不以禮是不敬祖妣音義

烝之承反畀必利反注同洽戶夾反偕音皆徧

音疏正義曰詩周頌豐年之篇也豐有之年多稌多遍黍釀之爲酒爲醴以進與祖妣以洽百禮之禮

爲烝嘗之祭鬼神享之則下與福佑甚周編言今事
此失禮神將不福佑之也烝進昇與皆釋詁文偕訓
爲俱俱亦徧之義○齊侯使諸姜宗婦來送葬注宗
也釋言云孔甚也

婦同姓大夫之婦婦人越疆送葬非禮音義

疆居疏
良反

正義曰諸姜同姓之女也宗婦同姓之婦也夫人齊
姜是齊國之女故使其宗親之婦女來會葬也齊爲
姜姓歷世多矣不可姜姓之女姜姓之婦今其皆來
魯國莊二十四年大夫宗婦觀用幣者宗婦是同姓
大夫之婦知此宗婦亦是同姓大夫之婦然則諸姜
是齊同姓之女嫁與齊大夫之爲妻者也禮記檀弓
云婦人不越疆而吊人
是越疆送葬非禮也

召萊子萊子不會故晏弱城

東陽以偏之注爲六年滅萊傳東陽齊竟上邑音義

竟音疏

正義曰世族譜不知萊國之姓齊侯召萊子者不爲其姓姜也以其比鄰小國意陵蔑之

故召之欲使從送諸姜宗婦來向魯耳萊子以其輕侮故不肯會

○鄭成公疾子駟

請息肩於晉

注欲辟楚役以負擔喻音義

擔都音反

公曰

楚君以鄭故親集矢於其目注謂鄢陵戰晉射楚王

目音義

射食亦反

非異人任寡人也注言楚子任此患不

爲他人蓋在已音義

非異人任絕句任音士一讀至人字絕句爲子偽反

若背

之是棄力與言其誰暱我注言盟誓之言音義

背音佩棄

力服本作棄功暱本又作昵女乙反徐乃吉反

免寡人唯二三子疏

正義曰說文云

鳥之短尾者總名爲佳佳在木上爲集集是鳥止之名矢有羽似鳥故亦稱集也楚君被射目者非是爲異人也任此患者爲寡人也今若背之棄其助鄭之力與盟誓之言他人其誰肯親我乎免寡人此棄力背言之責唯

秋七月庚辰鄭伯踰卒於是子罕當國

注攝君事疏

正義曰禮君薨聽於冢宰不須攝行君事此今子罕當國者鄭國問於晉楚國

家多難喪代之際或致傾危蓋成公顧命使之當國非常法也子駟爲政已是正卿知當國者爲攝君事矣沈氏云魯襄四歲國家無虞今僖公年雖長大爲偏於晉楚故今子罕當國也

子駟爲政

注爲正卿子國爲司馬晉師侵鄭注晉伐喪非禮諸

大夫欲從晉子駟曰官命未改注成公未葬嗣君未

免喪故言未改不欲違先君意疏

正義曰先君既葬嗣君正位乃得建

官命臣十六年晉侯改服脩官是其事也先君未葬皆因舊事不得建官命臣故云官命未改庶事悉皆

未改不可即違先君言此者不用從晉之意故也

○會于戚謀鄭故也注鄭

人叛晉謀討之孟獻子曰請城虎牢以徧鄭注虎牢

舊鄭邑今屬晉知武子曰善鄆之會吾子聞崔子之

言今不來矣注元年孟獻子與齊崔杼次于鄆崔杼

有不服晉之言獻子以告知武子疏

正義曰元年代鄭次于鄆唯有

韓厥荀偃於時武子未必在軍當是此會始告之耳滕薛小邾之不至皆齊故

也注三國齊之屬寡君之憂不唯鄭注言復憂齊叛

音義

復扶又反下文將復復會同

營將復於寡君而請於齊注以

城事白晉君而請齊會之欲以觀齊志得請而告吾

子之功也注得請謂齊人應命告諸侯會築虎牢若

不得請事將在齊注將伐齊吾子之請諸侯之福也

注城虎牢足以服鄭息征伐豈唯寡君賴之注傳言

荀罃能用善謀○穆叔聘于宋通嗣君也○冬復會

于戚齊崔武子及滕薛小邾之大夫皆會知武子之

言故也注武子言事將在齊齊人懼帥小國而會之
遂城虎牢鄭人乃成注如孟獻子之謀○楚公子申
爲右司馬多受小國之賂以偁子重子辛注偁奪其
權勢楚人殺之故書曰楚殺其大夫公子申注言所
以致國討之文

經三年春楚公子嬰齊帥師伐吳

公如晉

夏四月壬戌公及晉侯盟于長檣注晉侯出其國都與

公盟于外音義

傳初疏

正義曰

文三年公如晉公及晉

晉侯出其國都與公盟于長檮蓋近城之地盟訖還入於晉故公歸書曰公至自晉也又三年盟于晉都此盟出城外者出與不出皆由晉侯意耳此或是悼公謙以待人不欲使國君就已出盟于外若似相就然故出城也

公至自晉注無傳不以長檮至本非會疏

正義曰假今公朝於

晉更與晉侯餘處別會即從會所而歸亦得書曰公至自晉何則一行而有二事者或以始致或以終致出自當時之意書其所告之事而已所告先後無定例也但此盟于長檮晉侯爲盟之故暫出城耳本非刻期聚會之處唯得以自晉告廟不得以長檮告也注言本非會辭其必不得以長檮致之意也

六月公會單子晉侯宋公衛侯鄭伯莒子邾子齊世子

光已未同盟于雞澤注雞澤在廣平曲梁縣西南周靈

王新即位使王官伯出與諸侯盟以安王室故無譏音

義單音疏

正義曰諸侯不得盟天子之臣天子之臣不得與諸侯聚盟盟則加以貶責僖二十九年

翟象之盟貶王子虎稱人是其事也僖八年洸之盟王人在列傳曰謀王室也諸侯共謀王室不譏王人在盟是由襄王新立命遣與盟故耳此盟單子在列於經亦無譏文靈王以往年新立明是王新即位使王官之伯出與諸侯結盟以安王室故無所譏與洸之盟同也釋例曰未有臣而盟君臣而盟君是子可盟父故春秋王世子以下會諸侯者皆同會而不同盟洸之盟王室有子蒍之難襄王懼不得立告難於齊遣王人與諸侯盟故傳釋之曰謀王室以明王勅其來盟非諸侯所敢與也踐土之盟王子虎臨諸侯而不與同歟故經但列諸

侯而傳具載其實此實聖賢之垂意以爲將來之永法也一年之間諸侯輯睦翼戴天子而翟泉之盟子虎在列君子以爲非天子之命虧上下常節故不存魯侯而人子虎以示篤戒也今雖澤之會單子與盟亦王所命也杜言王使盟者傳無其文正

○陳侯使袁僑如會注

陳疾楚政而來屬晉本非召會而自來故言如會音義

僑其疏正義曰凡盟主召其同好之國刻期而與結盟驕反來不及期則加貶責他國後期則沒其國而不

序於列魯君後期則總稱諸侯不復國別歷序文七年公會諸侯晉大夫盟于扈是也僖二十八年踐土之盟

陳侯如會此袁僑如會皆本非同好慕義而來喜其來而不責其晚故言陳疾楚政而來屬晉本非召會而袁僑自來故言如會解其後至持書而不貶之意也七年鄭伯髡頑如會自是被召而來其人未見諸侯在道而

卒故書如會爲卒
張本與此異也

戊寅叔孫豹及諸侯之大夫及陳索

僑盟注諸侯既盟索僑乃至故使大夫別與之盟言諸

侯之大夫則在雞澤之諸侯也殊索僑者明諸侯大夫

所以盟盟索僑也據傳盟在秋長歷推戊寅七月十三

日經誤疏

正義曰諸侯盟會歷序國君其下云某人某
人皆是大夫也若卿來則書卿名氏文十四

年公會宋公陳侯衛侯鄭伯許男曹伯晉趙盾于新城
如此之類其事多矣此索僑來若及盟即序于列當在
世子光下今諸侯既盟索僑乃至不可特爲索僑更復
重盟若其不與之盟則又逆陳來意以索僑是大夫故
使大夫盟之若其陳侯自來諸侯雖則盟訖亦當更與
之盟不得使大夫也凡諸侯盟會皆先目後凡上文雜

澤之會既以具序諸侯此總言諸侯大夫則難澤諸侯
足以明矣故不復具序諸國從省文耳諸侯大夫既以
總書而獨見叔孫豹者經據魯史魯史所記詳內畧外
僅十五年杜丘之盟下公孫敖帥師及諸侯之大夫敖
徐獨書魯臣亦此類也言諸侯之大夫其內可以兼素
備而殊素備言及陳秉僑盟者明此諸侯之大夫所以
爲此盟者止爲盟陳秉僑耳且上文難澤之會其內未
有陳侯直言諸侯之大夫則不得包陳秉僑故殊之也

秋公至自會注無傳

冬晉荀罃帥師伐許

傳三年春楚子重伐吳爲簡之師注簡選練克鳩茲
至于衡山注鳩茲吳邑在丹陽蕪湖縣東今皋夷也

衡山在吳興烏程縣南使鄧廖帥組甲三百被練三

千注組甲被練皆戰備也組甲漆甲成組文被練練

袍音義

廖力彫反組音祖下皆同被疏正義曰賈逵皮義反徐扶僞反注及下同云組甲以組

綴甲車士服之被練帛也以帛綴甲步卒服之凡甲所以爲固者以盈竅也帛盈竅而任力者半卑者所服組盈竅而盡任力尊者所服馬融云組甲以組爲甲裏公族所服被練以練爲甲裏卑者所服然則甲貴牢固組練皆用然也練皆不固宜俱用組何當造不牢之甲而今步卒服之豈欲其被傷故使甲不牢也若練以綴甲何以謂之被也又組是條繩不可以爲衣服安得以爲甲裏杜吉組甲漆甲成組文今時漆甲有爲文者被練文不言甲必非甲名被是被覆衣著之名故以爲練袍被於身上雖並無明證而杜

要惟人情

以侵吳吳人要而擊之獲鄧廖其能免者組甲

八十被練三百而已子重歸既飲至三日吳人伐楚

取駕駕良邑也鄧廖亦楚之良也君子謂子重於是

役也所獲不如所亡注當時君子音義

要於疏正義
違反曰傳

言君子多矣獨此言當時君子者諸言君子論議往
事多是丘明自言托之君子謂子重亡多於獲楚人

以君子之言咎責子重不得
爲後世君子故云當時君子楚人以是咎子重子重

病之遂遇心疾而卒注憂恚故成心疾音義

咎其九
反恚一

瑞反

○公如晉始朝也注公即位而朝○夏盟于長樗

孟獻子相公稽首注相儀也稽首首至地音義

相息亮反

注疏正義曰周禮九拜一曰稽首諸侯事天子之禮也

知武子曰天子在而

君辱稽首寡君懼矣注稽首事天子之禮孟獻子曰

以敝邑介在東表密邇仇讎注仇讎謂齊楚與晉爭

音義

介音界爭爭闕之爭

寡君將君是望敢不稽首注傳言獻

子能固事盟主○晉爲鄭服故且欲脩吳好注鄭服

在前年音義

爲于偽反好呼報反

將合諸侯使士匄告于齊曰

寡君使匄以歲之不易不虞之不戒寡君願與一二

兄弟相見注不易多難也虞度也戒備也列國之君

相謂兄弟音義

易以鼓反注同難乃旦反年內同度待洛反

以謀不協請

君臨之使勾乞盟齊侯欲勿許而難爲不協乃盟於

酈外注與士勾盟酈水名音義

酈音疏正義曰此是而士勾適齊齊

侯與盟其盟不離城之左右若是地名山名不得有外內之異爾雅云厓內爲隩外爲隈李巡曰厓內近水爲隩外爲隈孫炎曰內曲裏也外曲表也是水有內外之異知此酈爲水名其水蓋曲而近城故稱酈

外

○祁奚請老注老致仕晉侯問嗣焉注嗣續其職

者稱解狐其讎也將立之而卒注解狐卒音義

解音

疏

正義曰讎者相負挾怨之名奚負孤孤負奚皆謂之讎此是奚負孤也不是舉之以解怨故下云稱

其讎不

爲諂也

又問焉對曰午也可注午祁奚子於是羊舌

職死矣晉侯曰孰可以代之對曰赤也可注赤職之

子伯華於是使祈午爲中軍尉羊舌赤佐之注各代

其父君子謂祈奚於是能舉善矣稱其讎不爲諂立

其子不爲比舉其偏不爲黨注諂媚也偏屬也音義

諂他檢反
比毗志反

疏正義曰設今他人稱其讎則諂以求媚也立其子則心在親比也舉其偏則情

相阿黨也今祈奚以其人實善故舉薦之人見彼善知美不諂不比不黨也諂者阿順曲從以求彼意故

以諂爲媚媚愛也言爲諂以求愛也偏者半廟之名故傳多云東偏西偏軍師屬已分之別行謂之偏師傳云蕞子以偏師陷是屬爲廟屬之名也祈奚爲中軍尉羊舌職佐之職屬祈奚復舉其子是舉其偏屬也

商書曰無偏無黨王道蕩蕩注商書洪範蕩蕩平

正無私其祈奚之謂矣解狐得舉注未得位故曰得

舉祈午得位伯華得官建一官而三物成注一官軍

尉物事也疏

正義曰尉佐同掌一事故爲建一官也三事成者成其得舉得位得官也官位

一也變文相辟耳服虔云所舉三賢各能成其職事案解狐得舉而死身未居職何成事之有能舉

善也夫唯善故能舉其類詩云惟其有之是以似之

祈奚有焉注詩小雅言惟有德之人能舉似己者也

音義

夫音扶絕句一讀以夫爲下句首

疏

正義曰此小雅裳裳者華之篇也其卒章云右之右

之君子有之惟其有之是以似之

○六月公會單頃公及諸侯己未

同盟于雞澤注單頃公王卿士音義

頃音

晉侯使荀

會逆吳子于淮上吳子不至注道遠多難○楚子辛

爲令尹侵欲於小國疏

正義曰多有所欲求索無厭侵害小國故小國怨也

陳

成公使袁僑如會求成

注患楚侵欲袁僑濤塗四世

孫晉侯使和組父告于諸侯注告陳服秋叔孫豹及

諸侯之大夫及陳索僑盟陳請服也注其君不來使

大夫盟之匹敵之宜○晉侯之弟揚干亂行於曲梁

注行陳次音義

行戶郎反注同陳直觀反

魏絳戮其僕注僕御也

疏

正義曰以車亂行是御者之罪故戮其僕也周禮司寇之屬有掌戮之官鄭玄云戮猶辱也既斬殺

又辱之其職云掌斬殺賊謀而勝之凡殺其親者焚之殺王之親者辜之殺人者踣諸市肆之三日鄭玄

云勝謂去衣磔之焚燒也辜謂磔之踣僵尸也肆猶申也陳也彼勝焚辜肆皆謂陳以示人然則此言戮

者非徒殺之而已乃殺之以徇諸軍昭四年楚戮麇封負之斧鉞以徇于諸侯先徇乃殺之也成二年韓獻子既斬人卻子使速以徇是殺之而後徇也此戮即彼徇之謂也文十年楚申舟扶宋公之僕以徇或

曰國君不可戮也彼扶以徇亦稱爲戮
下云至于用鉞當是殺之乃以徇也

晉侯怒謂羊

舌赤曰合諸侯以爲榮也揚干爲戮何辱如之必殺

魏絳無失也對曰絳無貳志事君不辟難有罪不逃

刑疏

正義曰此言絳之宿心舊行耳非獨爲此事而
言也服虔曰謂敢斬揚干之僕是不辟獲死之

難然則斬僕信依違也豈是絳之罪而得謂之有罪
不逃刑乎不逃不辟此事自亦是矣要本其宿心非

是專爲此事也其將來辭何辱命焉言終魏絳至授僕人書

注僕人晉侯御僕將伏劔疏

正義曰謂仰劔刃身
伏其上而取死也

士

魴張老止之公讀其書曰日君乏使使臣斯司馬注

斯此也臣聞師衆以順爲武注順莫敢違軍事有死

無犯爲敬注守官行法雖死不敢有違君合諸侯臣

敢不敬君師不武執事不敬罪莫大焉臣懼其死以

及揚干無所逃罪注懼自犯不武不敬之罪不能致

訓至於用鉞注用鉞斬揚干之僕音義

越鉞音疏正義曰臣

聞師旅兵衆順從上命莫敢違逆是爲威武此據在軍之衆也軍旅之事守官行法欲討罪人雖有死難不敢辟死犯違濫令而從舍罪人是爲共敬也君命既合諸侯臣豈敢畏懼死罪故舍罪人不爲共敬也今君之師衆違命亂行既已不武謂揚干也執事之臣畏懼其死罪不戮罪人是爲不敬魏絳自謂也不

武不敬罪莫大焉是揚干與己皆有大罪臣若不討非直臣有死罪揚干亦合有死罪臣懼身之死罪連及揚干是臣罪更重無所逃辟重罪也不能以禮漸致教訓至于用鉞以斬其僕是臣之罪重也臣

之罪重敢有不從以怒君心注言不敢不從戮請歸

死於司寇注致尸於司寇使戮之公跣而出曰寡人

之言親愛也吾子之討軍禮也寡人有弟弗能教訓

使干大命寡人之過也子無重寡人之過注聽絳死

爲重過音義

跣先典反重直用反注同

敢以爲請注請使無死晉

侯以魏絳爲能以刑佐民矣反役與之禮食使佐新

軍注羣臣旅會今欲顯絳故特爲設禮食音義

食音注

同又如字特爲于偏反

疏

正義曰與之禮食者若公食大夫禮以大大夫爲賓公親爲之特設禮食服

度云於是魏頡卒矣使趙武將新軍代魏頡升魏絳佐新軍代趙武也世族譜魏穎魏絳俱是魏犢之子穎長生頡則絳是頡之叔父穎別爲今狐氏絳爲魏氏蓋穎長而庶絳幼而適故也魏世家武子生悼子悼子生絳則絳是犢孫計其年世孫庶是也先儒悉皆不然未知何故

張老爲中軍司

馬注代魏絳士富爲候奄注代張老士富士會別族

○楚司馬公子何忌侵陳陳叛故也○許靈公事楚不會于雞澤冬晉知武子帥師伐許

經四年春王三月己酉陳侯午卒注前年大夫盟雞澤

三月無己酉日誤

夏叔孫豹如晉

秋七月戊子夫人姒氏薨注成公妾襄公母姒杞姓疏

正義曰二年齊姜薨葬者是成公夫人故此爲成公之妾也據傳匠慶之言知是襄公之母以子既爲君故得稱夫人而言薨也於時諸國杞鄆之徒皆姒姓據大者言之故云姒杞姓疑是杞女而未審故也

葬陳成公注無傳

八月辛亥葬我小君定姒注無傳定諡也赴同祔姑反

哭成喪皆以正夫人禮母以子貴踰月而葬速疏

正義曰謹

法純行不與曰定舊說妾子為君其母不得成為夫人故杜詳言之於例赴同稱薨也附姑稱小君也反哭成喪書葬也今定如三禮皆具薨葬備文皆以正夫人之禮者由母以子貴故也釋例曰凡妾子為君其母猶為夫人雖先君不命其母母以子貴其適夫人薨則尊得加于臣子而內外之禮皆如夫人矣故如氏之喪責以小君不成成風之喪王使來會葬傳曰禮也夫人如氏薨葬皆以禮備為文明季孫雖識從畧賤聞匠慶之言懼而備禮殯葬無闕也禮公子為其母練冠緇緣既葬除之及其嗣位為君非復公子適母薨則申其母尊而先儒同之公子亦謬矣是杜言妾母得為夫人之意也季孫初議欲不成定如之喪匠慶以君長懼之乃畧取季孫之本君子謂之多行無禮必自及也則季孫初議是無禮也既季孫議為無禮明知於禮得成是知妾母

成尊是為正瀆但尊無二上適母若在君尚不得盡禮於其母臣民豈得以夫人之禮事之哉適母既薨則君得盡禮君既盡夫人之禮事其母臣民豈得以妾母遇之哉故適母薨則妾母尊也束姜既薨成風乃正出姜既出敬嬴乃正齊姜既薨定姒乃正襄公一世無取夫人之文故齊歸得正也鄭玄以為正夫人以有罪廢妾母得成為夫人也束姜雖被齊殺傷公請而葬之索經葬備文安得以罪黜也又齊姜非以罪黜定姒薨葬成尊成風定姒並無譏故知其瀆得成也

冬公如晉

陳人圍頓

傳四年春楚師為陳叛故猶在繁陽注前年何忌之

師侵陳今猶未還繁陽楚地在汝南桐陽縣南音義

為子為反桐孟康音紂直又反一音童或音直勇反非

韓獻子患之言於朝曰

文王帥殷之叛國以事紂惟知時也注知時未可爭

今我易之難哉注晉力未能服楚受陳為非時三月

陳成公卒楚人將伐陳聞喪乃止注軍禮不伐喪疏

正義曰十九年晉士句侵齊至穀聞齊侯卒乃還傳曰聞喪而還禮也是軍禮不伐喪

陳人不

聽命注不聽楚命臧武仲聞之曰陳不服於楚必亡

大國行禮焉而不服在大猶有咎而况小乎夏楚彭

名侵陳陳無禮故也

注爲下陳圓頓傳音義

答其九反下同

○穆叔如晉報知武子之聘也

注武子聘在元年晉

侯享之金奏肆夏之三不拜

注肆夏樂曲名周禮以

鐘鼓奏九夏其二曰肆夏一名繁二曰韶夏一名遏

四曰納夏一名渠蓋擊鐘而奏此三夏曲音義

肆夏戶雅

反注同下同九夏一曰王夏二曰肆夏三曰韶夏四

曰納夏五曰章夏六曰齊夏七曰族夏八曰陟夏九

曰驚夏肆夏一名繁國語云金奏肆夏繁遏渠杜逆

分爲三夏之別名呂叔玉云肆夏時邁也繁遏執競

也渠思文也韶上招反邁於葛反

納夏本或爲夏納誤渠其居反

工歌文王之三又

不拜注工樂人也文王之三大雅之首文王大明縣

歌鹿鳴之三三拜注小雅之首鹿鳴四牡皇皇者華

疏

正義曰奏謂作樂也作樂先擊鐘鐘是金也故稱金奏周禮鐘師掌金奏鄭玄云金奏擊金以為奏

樂之節金謂鐘及鐸也又燕禮注云以鐘鐸播之鼓
簾應之所謂金奏也此晉人作樂先歌肆夏肆夏是
作樂之初故於肆夏先言金奏也次工歌文王樂已
先作非復以金為始故言工歌也於文王已言工歌
虎鳴又畧不言工五見從省耳其實金奏肆夏亦是
工歌之工歌文王擊金仍亦不息其歌虎鳴亦是工
歌之耳注正義曰周禮鐘師凡樂事以鐘鼓奏九夏
王夏肆夏韶夏納夏章夏齊夏族夏陟夏騶夏言以
鐘鼓奏之也又以文王類之知是樂曲名也杜子春
云王出入奏王夏尸出入奏肆夏牲出入奏韶夏四

方賓來奏納夏臣有功奏章夏夫人祭奏齊夏族人
侍奏族夏賓醉而出奏陟夏公出入奏驚夏定本納
夏為夏納此傳直言之三不言其三之名魯語同說
此事而云金奏肆夏繁遏渠天子所以享元侯也文
王大明縣則兩君相見之樂也文王之三蓋文王大
明縣以文王為首并取其其次二篇以為三則知肆夏
之三以肆夏為首亦并取其其次二夏以為三也且下
云三夏天子所以享元侯也三者皆名為夏知其
次二夏并肆夏為三也周禮謂之肆韶納魯語謂之
繁遏渠故杜以為每夏而有二名肆夏一名繁韶夏
一名遏納夏一名渠先儒所說義多不同周禮注載
杜子春云肆夏與文王鹿鳴俱稱三謂其三章也以
此知肆夏詩也呂叔玉云肆夏繁遏渠皆周頌也肆
夏時邁也繁遏執競也渠思文也肆逆也夏大也言
逆於天位也故時邁曰肆於時夏允王保之繁多也
遏止也言福祿止於周之多也故執競曰降福禴禴

降福簡簡福祿來反渠大也言以后稷配天王道之大也故思文曰思文后稷克配彼天鄭玄云以文王鹿鳴言之則九夏皆詩篇名頌之族類也此歌之大者載在樂章樂崩亦從而亡是以頌不能具數家之說各以意言經典散亡無以取正劉焯云杜為此解頗允三夏之名而分字配篇不甚愜當何則文王之三即大王是其一大明縣是其二鹿鳴之三則鹿鳴是其一四牡皇皇者華是其二然則肆夏之三亦當肆夏是其一繁遏渠是其二安得復以繁為肆夏之別名也若繁即是肆夏何須重舉二名雖恥習前蹤亦未踰先哲今剛定知不然者以此文云肆夏之三是自肆夏以下有三故為韶夏納夏凡為三夏但此三夏各有別名故國語謂之繁遏渠是一字以當一夏若國語直云金奏繁遏渠則三夏之名沒而不顯故於繁字之上特以肆夏冠之云肆夏繁繁即是肆夏明遏是韶夏渠是納夏也國語舉其難明以會左

氏三夏之義劉不曉杜之深意遂欲妄從先儒先儒
二說何所馮準先儒以繁過二字共為執競以渠之
一字獨為思文分字既無定限文句多少任意則杜
以繁共肆夏為句何為不可劉君乃與奪恣情不顧
曲直妄規杜過
於義深非也

韓獻子使行人子員問之曰注行人

通使之官音義

員音云徐子貧反使所史反下注及文皆同

疏

正義曰周禮大行人

掌大賓之禮大客之儀小行人掌使適四方協賓客
之禮諸侯行人當亦通掌此事故為通使之官也此
言韓獻子使行人問魯語云晉侯使行人問
者彼孔是注云韓獻子白晉侯使行人問也

子以君

命辱於敝邑先君之禮藉之以樂以辱吾子注藉薦

也音義

藉在夜反

吾子舍其大而重拜其細敢問何禮也

對曰三夏夫子所以享元侯也使臣弗敢與聞注元

侯牧伯音義

舍音捨重直用反下皆同故疏正義曰與音預下及與同牧徐音目周禮大

宗伯云八命作牧九命作伯鄭玄云牧謂侯伯有功德者加命得專征伐於諸侯也伯謂上公有功德者加命為二伯得征五侯九伯者也鄭司農云牧一州之牧也伯長諸侯為方伯也然則牧是州長伯是二伯雖命數不同俱是諸侯之長也元長也謂之長侯明是牧伯文王兩君相見之樂

也臣不敢及注及與也文王之三皆稱文王之德受

命作周故諸侯會同以相樂音義

相樂音洛疏正義曰及與也釋詁

文言不敢與在其間而聞之魯語并陳兩事乃總云皆昭令德以合好非使臣之所敢聞彼俱不敢聞此

分之為等級耳詩序文王言文王受命作周大明言
文王有明德故天復命武王伐紂縣言文王之興本
由大王是文王之三皆稱文王之德能受天命造立
周國故諸侯會同歌此以相燕樂也朝而設享是亦
二君聚會故以會同言之肆夏既止不知其篇之義
故惟取詩意以解文王鹿鳴耳詩是樂章樂歌詩篇
聖王因其尊卑定其等差詩有四始風也小雅也大
雅也頌也鄭玄以肆夏為頌之族類其差與頌同矣
天子享元侯歌肆夏則於其餘諸侯不得用肆夏矣
當歌文王與兩君相見同也然則兩元侯相見與大
子享之禮同亦歌肆夏之類仲尼燕居兩君相見升
歌清廟謂元侯也不歌肆夏辟天子也諸侯來朝乃
歌文王遣臣來聘必不得同矣當歌鹿鳴也傳言文
王兩君相見之樂則其臣來聘不得與其君同亦當
歌鹿鳴也燕禮雖以已臣為主兼燕四方之賓其樂
歌鹿鳴是其定差也燕禮升歌訖乃為笙歌三篇堂

下吹笙以播詩也笙歌訖乃爲間歌六篇堂上歌一篇堂下次一篇相間代也故燕禮云乃間歌魚麗笙由庚歌南有嘉魚笙采芣丘歌南山有臺笙由儀是也間歌訖遂合鄉樂周南關雎葛覃卷耳召南鵲巢采芣采蘋合樂謂堂上堂下合作樂也鄉樂者風詩也燕禮歌小雅而合鄉樂以合卑於歌一等則知諸所歌者其合樂用詩皆卑於升歌一等故鄭玄詩譜云天子享元侯歌肆夏合文王於諸侯歌文王合鹿鳴諸侯於鄰國之君與天子於諸侯同天子諸侯燕其羣臣及聘問之賓皆歌鹿鳴合鄉樂笙間所用則鄭玄云未聞也燕禮升歌小雅笙歌間歌亦用小雅則笙間用詩與升歌差同而云未聞者升歌合樂其用風雅皆用發首二篇笙用南陔間用魚麗不復更用其首篇者未聞者未知其用何篇也此傳言三夏天子所以享元侯則文王兩君相見之樂亦謂享也雖不言燕燕亦當然此傳晉侯享穆叔爲歌鹿鳴穆叔

以己所當得三拜而受燕禮也工歌鹿鳴則是享燕同樂明享之與燕用樂各自同矣若然肆夏之爲樂章樂之最尊者兩君相見猶尚不得用之而燕禮者諸侯燕已羣臣之禮而記云若以樂納賓則賓及庭奏肆夏鄭玄云卿大夫有五事之勞者則奏此樂所以得用之者彼謂納賓之樂郊特牲云賓入大門而奏肆夏示易以敬也鄭玄云賓朝聘者鹿鳴君所以是朝賓聘客俱得用之與此升歌異也

嘉賓君也敢不拜嘉注晉以叔孫爲嘉賓故歌鹿鳴

之詩取其我有嘉賓叔孫奉君命而來嘉叔孫乃所

以嘉魯君疏

正義曰詩序言鹿鳴燕羣臣嘉賓正謂燕已之臣以己臣爲嘉賓耳叔孫以晉

歌此篇者以己爲嘉賓故拜受之也燕禮記云若與四方之賓燕則公迎之于大門內鄭玄云四方之賓

謂來聘者也是燕聘客惟君
迎為異餘悉與已臣同也

四牡君所以勞使臣也

敢不重拜注詩言使臣乘四牡駢駢然行不止勤勞

也晉以叔孫來聘故以此勞之音義

以勞力報反注勞之同駢芳非

反疏

正義曰詩序曰四牡勞使臣之來謂遣臣出使來歸乃勞之也叔孫以晉歌此篇勞已來聘故

重拜受之也魯語云四牡君之所以章臣之勤也敢不拜章

皇皇者華君敎使臣

曰必諮於周注皇皇者華君遣使臣之詩言忠臣奉

使能光輝君命如華之皇皇然又當諮于忠信以補

已不及忠信為周其詩曰周爰諮諏周爰諮謀周爰

諮度周爰諮詢言必於忠信之人諮此四事音義

諷子

須反度待洛反下
文注同詢音荀
疏正義曰此詩本意文王敎出使

善道於忠信之人今晉君敎此以寵穆叔穆叔執謙
以為晉侯所敎故云君敎使臣下云臣獲五善敢不
重拜與詩本意異也忠信為周魯語文也爰於也若
遇忠信之人於是訪問詢度諷謀等四事也魯語云
皇皇者華君敎使臣曰每懷靡及
諷謀度詢必諮於周敢不拜敎
臣聞之訪問於善

為咨注問善道咨親為詢注問親戚之義咨禮為度

注問禮宜咨事為諷注問政事咨難為謀注問患難

音義

難乃旦
反注同
疏正義曰魯語言此四事惟咨親為詢
與此文同其餘咨材為諷咨事為謀

咨義為度三者與此皆異韋昭改從此傳注云
材當為事事當為難孔晁注云材謂政幹也

臣獲

五善敢不重拜注五善謂諮詢度諏謀疏

正義曰教之咨人即

得一善故并咨為五魯語云君既使臣以大禮重之
以六德孔晁云既有五善又自謂無及成為六德言
自謂知所無及懷靡謙以問知者此亦即是一德故
為六德也皆是受君之教乃知如此亦是君之所賜
故云臣獲也

○秋定妣薨不殯于廟無櫬不虞注櫬親身

棺李孫以定妣本賤既無器備議其喪制欲殯不過

廟又不反哭音義

過古疏

正義曰櫬者親身之棺初死即當有之將葬以殯過

廟葬訖乃為虞祭今定妣初薨匠廩以君長懼之乃
始作櫬知此是李孫以定妣本賤素無器備議其喪

制欲如此耳非是終久逆無之也檀弓曰君即位而為牌夫人尊與君同亦當生已有概今議欲不為是素無器備故始議之也檀弓又曰喪之制也順死者之孝心也其哀離其室也故至於祖考之廟而後行殷朝而殯於祖周朝而逆葬士喪禮朝而逆葬與記正同知周禮不殯于廟而此及僖八年傳皆云不殯于廟以為非禮知其將葬之時不以殯過廟耳非是殯尸於廟中也葬訖日中反虞於正寢謂之反哭今欲不虞是欲不為反哭也

匠慶謂季文子曰注匠慶魯大匠子為

正卿而小君之喪不成注謂如季孫所議則為夫人禮不成不終君也注慢其母是不終事君之道君長

誰受咎注言襄公長將責季孫音義

長丁文反注同

初季孫

爲己樹六櫝於蒲圃東門之外注蒲圃場圃名季文

子樹櫝欲自爲櫝音義

爲于僞反下注爲定姁爲言下爲執事同圃布古反場直

良疏

正義曰詩云九月築場圃毛傳云春夏爲圃秋反冬爲場樹菜蔬爲圃治禾黍爲場場圃同地耳

故杜以場明圃圃名蒲地櫝是爲櫝之木知季孫樹之欲自爲櫝也

匠慶請木注爲定

姁作櫝季孫曰畧注不以道取爲畧匠慶用蒲圃之

櫝季孫不御注御止也傳言遂得成禮故經無異文

音義

御魚呂反注同疏

正義曰止寇謂之禦御猶禦也故訓爲止季孫本議欲無櫝不虞今傳惟

言取木爲櫝而已尚不知得殯廟虞祭以否不虞即是不反哭不反哭則不得書葬今定姁葬備文則

因匠慶之言逆得每事成禮是故經無異文

君子曰志所謂多行無禮必

自及也其是之謂乎疏

正義曰不以道取為畧今律畧人畧賣人是也李孫言畧

今匠慶畧他木也官非無木可用意欲不成其喪請木不順其意越慶此請令畧木為之也匠慶又忿李孫未必無木可用故取李孫之櫨其意言達我畧人我只畧女李孫今之為畧匠慶奉命而畧雖自被畧不得止之季孫此議自是無禮也被匠慶畧木是自及也君子言古之志記所謂多行無禮必自及者其季孫之謂乎而釋例論此云議從畧賤彼自是解正義之語與此不以道取為畧別也

○冬公

如晉聽政

注受貢賦多少之政晉侯享公公請屬鄆

注鄆小國也欲得使屬魯如須句顯臾之比使助魯

出貢賦公時年七歲蓋相者爲之言鄆今琅邪鄆縣

音義

句其俱反顯音專與羊朱反比必二反相息亮反

疏

正義曰附庸附大國耳鄆乃子爵而

欲得屬魯者春秋之世小國不得自通多附於大國
二十七年齊人請郕宋人請滕郕滕猶尚附人況鄆
又小也故杜鑒之如須句顯與之比須句亦子爵使
助魯出貢賦耳時公年七歲未能自謀蓋國內共爲
此計使相者代公言之

晉侯不許孟獻子曰以寡君之密邇於

仇讎而願固事君無失官命注晉官徵發之命疏

正義

曰二年鄭子駒以君初喪云官命未改此魯以國小
賦重恐失官命二者官命雖同而主意有異故杜彼
以未葬解之此以徵發解之觀文爲說

鄆無賦於司馬注晉司馬又掌

諸侯之賦爲執事朝夕之命敝邑敝邑褊小闕而爲

罪注闕不共也音義

朝夕如字褊必淺反共音恭

寡君是以願借

助焉注借鄙以自助音義

借子亦反注同

晉侯許之注爲明

年叔孫豹鄙世子巫如晉傳○楚人使頓間陳而侵

伐之故陳人圍頓注間伺間缺音義

間陳間廁之間伺音司間音闕

又間廁之間又如字

○無終子嘉父使孟樂如晉注無終山戎

國名孟樂其使臣音義

使臣所吏反

因魏莊子納虎豹之

皮以請和諸戎注欲戎與晉和莊子魏絳晉侯曰戎

狄無親而貪不如伐之魏絳曰諸侯新服陳新來和將觀於我我德則睦否則攜貳勞師於戎而楚伐陳必弗能救是棄陳也諸華必叛注諸華中國戎禽獸也獲戎失華無乃不可乎夏訓有之曰有窮后羿注

夏訓夏書有窮國名后君也羿有窮君之號音義

夏戶

雅反下注皆

疏

正義曰夏書五子之歌云太康尸位以逸豫攷于有洛之表十旬弗反有

同羿音詰

窮后羿因民弗忍距于河厥弟五人御其母以從五子咸怨迷大禹之戒以作歌其一曰皇祖有訓是大禹立言以訓後故得謂此書爲夏訓也羿居窮石之地故以窮爲國號以有配之猶言有周有夏也后君

也窮國之君曰羿
羿是有窮君之號

公曰后羿何如注怪其言不次故

問之對曰昔有夏之方衰也后羿自鉏遷于窮石因

夏民以代夏政

注禹孫大康淫放失國夏人立其弟

仲康仲康亦微弱仲康卒子相立羿遂代相號曰有

窮鉏羿本國名音義

鉏仕居反大音泰相
息亮反下及注同

疏

正義曰
夏本紀

禹生啟啟生大康是禹孫也為羿所距書序云大康
失邦是為淫放失國也本紀又云大康崩弟仲康立
夏書胤征云惟仲康肇位四海孔安國云羿廢大康
而立其弟仲康為天子則仲康羿之所立但羿握其
權仲康不能除去之耳哀元年傳稱有過澆殺斟灌
以滅后相相依斟灌故澆滅之是相立為天子乃出

依斟灌則相之立也蓋亦羿立之矣此傳言羿代夏
政云不脩民事寒浞殺羿言取其國家則羿必自立
為天子也當是逐出后相羿乃自立相依斟灌斟尋
夏祚尚猶未滅蓋與羿並稱王也及寒浞殺羿因羿
室而生澆澆已長大自能用師始滅后相相死之後
始生少康少康生杼杼又年長已堪誘殪方始滅浞
而立少康計大康失邦及少康紹國向有百載乃滅
有窮據此傳文夏亂甚矣而夏本紀云仲康崩子相
立相崩子少康立都不言羿
浞之事是馬遷說之疎也

恃其射也注羿善射疏

正義曰尚書云大康尸位以逸豫有窮后羿因民弗
忍距于河孔安國云羿諸侯名此云有窮君之號則
與孔不同也羿善射論語文也說文云羿帝嚳射官
也賈逵云羿之先祖世為先王射官故帝嚳賜羿弓
天使司射淮南子云堯時十日並出堯使羿射九日
而落之楚辭天問云羿彈日烏焉解羽歸藏易亦云

羿彈十日也言雖不經難以取信要言譽時有羿堯時有羿則羿是善射之號非復人之名字信如彼言則不知此羿名為何也

不脩民事而淫于原獸注淫放原野棄

武羅伯因熊髡

注四子皆羿之賢臣音義髡苦

尤莫邦反

而用寒浞寒浞伯明氏之讒子弟也注寒

國北海平壽縣東有寒亭伯明其君名音義

浞仕角反徐在

伯明后寒棄之夷羿收之注夷氏信而使之以爲

己相浞行媚于內注內宮人疏

正義曰寒是國名伯明寒君之名也后君

也伯明君此寒國之時而棄不收采也注正義曰此傳再言夷羿故以夷為氏也

而施賂于

外愚弄其民注欺罔之而虞弊于田注樂之以游田

音義

樂音洛下樂安同

樹之詐惡以取其國家注樹立也音

義

愚他得反後同

外內咸服注信從詐弊猶不悛注悛改也

音義

悅七全反

將歸自田注弊獵還家衆殺而亨之以食

其子注食弊子音義

亨音彭反煮也食音嗣注同

疏

正義曰家衆謂弊之家衆

人反弊以從從爲從而殺弊也孟子云違蒙學射於弊盡弊之道思天下唯弊爲愈已於是殺弊則殺弊

者也

其子不忍食諸死于窮門注殺之於國門靡奔

有鬲氏注靡夏遺臣事弊者有鬲國名今平原鬲縣

音義

音義

浞因羿室注就其妃妾生澆及豷恃其讒

慝詐僞而不德于民使澆用師滅斟灌及斟尋氏注

二國夏同姓諸侯仲康之子后相所依樂安壽光縣

東南有灌亭北海平壽縣東南有斟亭音義

澆五弔反豷許

器反斟之林疏

正義曰世本此文也

處澆于過處豷于戈注過

戈皆國名東萊掖縣北有過鄉戈在宋鄭之間音義

過古承反注及下同戈古禾反

疏

注正義曰東十二年傳曰宋鄭之間

掖音亦漢書作夜孟康音掖

有陳地焉曰

靡自有鬲氏收二國之燼注燼遺民音

西戈錫是也

義爐才疏

正義曰：樵燭既燒之餘，名之曰爐。二國之

報父兄之讎，故

以滅浞而立少康。注：少康，夏后相之

子音義少詩照反

少康滅澆于過，后杼滅豷于戈。注

后杼少康子音義

杼直疏正義曰：夏本紀：少康

有窮

由是遂亡失人故也。注：浞因羿室，故不改有窮之號。

疏

正義曰：有窮，遂亡謂浞亡也。武羅伯因熊髡，尤固

規悼

昔周辛甲之爲大史也，命百官官箴。王闕注：辛

甲，周武王大史闕過也。使百官各爲箴辭，戒王過音。

義疏

正義曰晉語稱文王訪于辛尹賈逵以爲

林反疏

辛甲尹佚則辛甲文王之臣而下及武王

但文王之時天命未改不得命百官官歲王闕故以

爲武王時太史也闕謂過失也太史號今百官每官

各以歲辭虞人掌獵故以獵爲歲也漢成帝時楊雄

愛虞歲違依故之作十二州二十五官歲後亡失九

篇後漢崔駰駰子瑗瑗子寔世補其闕及臨邑侯劉

騊餘大傳胡廣各有所增凡四十八篇廣乃次而題

之署曰百官歲皆

於虞人之箴注虞人掌田獵疏

正義

曰周禮山虞大田獵則萊山田之野澤虞大田獵則

萊澤野萊謂芟其草萊以爲殺圍之處詩毛傳云大

芟草以爲

防是也

曰芒芒禹迹畫爲九州注芒芒遠貌畫分

也音義

芒莫歸反疏正義曰畫分者言畫地分之以

畫乎麥反疏爲竟也禹貢惟冀州帝都不言

竟界以餘州所至則冀州可知也八州各言竟界云
濟河惟兗州海岱惟青州海岱及淮惟徐州淮海惟
揚州荆及衡陽惟荊州荊河惟豫州華陽黑
水惟梁州黑水西河惟雍州是禹所畫分也

經啟九

道注啟開九州之道疏

正義曰既分海內以爲九州
遂皆以九言之禹貢云九州

攸同九山刊旅九川滌源九澤既陂故
此亦言九道言禹開通九州之道也

民有寢廟獸

有茂草各有攸處德用不擾注人神各有所歸故德

不亂音義

攸處如字本或作攸
家擾如小反亂也

在帝夷羿冒于原獸

注冒貪也音義

冒莫報反又
音亡北反

疏

正義曰帝王之號當
時所稱三代稱王自

以德劣于前譙而不稱爲帝其統天下實與帝同所
謂今之王古之帝也後人之稱先代或以王言帝或

以帝言王史記於夏殷諸王皆稱
爲帝此并墓立爲王故以帝稱焉

忘其國恤而思其

鹿牡注言但念獵音義

鹿音憂鹿牡也牡茂后反

武不可重注重

猶數也音義

重直用反注同數所角反

疏正義曰杜讀爲重累之

猶大也言武事不可大任

用不恢于夏家注羿以好武雖有夏家

而不能恢也音義

恢告曰反

獸臣司原敢告僕夫注獸臣

虞人告僕夫不敢斥尊虞箴如是可不懲乎於是晉

侯好田故魏絳及之注及后羿事音義

好呼報反下文同懲直升

反疏

正義曰魏絳本意主勸和戎忽云有窮后羿以開公問逆說羿事以及虞箴乃與初言不相應

會故傳爲此二句
以解魏絳之意

公曰然則莫如和戎乎對曰和戎

有五利焉戎狄荐居貴貨易土注荐聚也易猶輕也

音義

荐在薦反又才邈反或云草也易以鼓反徐神鼓反注同

疏

正義曰釋言云荐再也孫炎曰

荐草生之再也即荐是聚也服虔云荐草也言狄人逐水草而居徙無常處劉炫案莊子云麋鹿食荐即荐是草也服言是

土可賈焉一也邊鄙不聳民狎其野穡人

成功二也注聳懼狎習也音義

賈音古聳息勇反

戎狄事晉

四隣振動諸侯威懷三也以德綏戎師徒不勤甲兵

不頓四也注頓壞也疏

正義曰頓謂挫傷折壞今俗語云安頓是也

鑒于

后羿而用德度注以后羿爲鑒戒遠至邇安五也君

其圖之公說使魏絳盟諸戎脩民事田以時注傳言

晉侯能用善謀音義

說音悅

○冬十月邾人莒人伐鄆

臧紇救鄆侵邾敗于狐貍注臧紇武仲也鄆屬魯故

救之狐貍邾地魯國番縣東南有目台亭音義

紇恨發反

駘徒來反徐勑才反番本又作蕃應劭音皮一音方
素反白褒魯國記云陳子游爲魯相蕃子也國人爲

諱改曰皮也

疏

正義曰魯國地理志曰番讀如藩屏之藩言魯國南藩也汝南陳子游爲

台吐才反

魯相子游者藩之子也國人辟諱
遂改皮音而爲番字因而不改也

國人逆喪者皆髻

魯於是乎始髻注髻麻髮合結也遭喪者多故不能

備凶服髻而已音義

髻側瓜反合結音計本義作髻又作紒音同

疏

正義曰髻

之形制禮無明文先世儒者各以意說鄭衆以爲衆麻與髮相半結之馬融以爲屈布爲巾高四寸著於額上鄭玄以爲去纁而紒案檀弓記稱南宮縚之妻孔子之兄女也縚母喪孔子誨之髻曰爾母從從爾爾母扈扈爾鄭玄云從從謂太高扈扈謂太廣若布高四寸則有定制何當慮其從從扈扈而謂之哉如鄭玄去纁而空露其紒則髮上本無服矣喪服女子在室爲父髻衰三年空露紒髮安得與衰共大而謂之髻衰也魯人逆喪皆髻宜直露紒迎喪哉凶服以麻表髻字從紒是髮之服也杜以鄭衆爲長故用其說言麻髮合結亦當麻髮半也於時魯師大敗遭喪者多婦人迎子逆夫不能備其凶服唯髻而已同路

迎喪以髻相弔傳言魯于是始髻者自此以後遂以
髻爲弔服雖有吉者亦髻以弔人檀弓曰魯婦人之
髻而弔也自敗於臺始也鄭玄云時家家有喪髻
而相弔知於是始髻者始用髻相弔也髻者依喪服
婦人爲斬衰三年者髻故喪服云女子子在室前笄
髻衰三年是也其齊衰期亦髻於檀弓云南宮縚之
妻之姑之喪夫子誨之髻是也其婦人弔服則鄭注
檀弓云大夫之妻錫衰士之妻則疑衰皆吉筭無首
素纁也

國人誦之曰臧之狐裘敗我於狐貍注臧紇時
服狐裘我君小子朱儒是使朱儒朱儒使我敗於邾

注公幼弱故曰小子臧紇短小故曰朱儒敗不書魯

人諱之音義

本或作侏亦音朱

200. 100. 100.

100.

春秋左傳注疏卷二十九

春秋左氏傳注疏卷二十九考證

仲孫蔑會齊崔杼曹人邾人杞人次于鄆注鄆鄭地在

陳留襄邑縣東南○

臣召南

按後漢郡國志引此注

作縣東南有鄆城

傳孟獻子曰請城虎牢以偪鄭○王應麟困學紀聞曰

齊晉楚之霸皆先服鄭范雎李斯之謀皆先攻韓蓋

虎牢之險天下之樞也在號曰制在鄭曰虎牢在韓

曰成臯秦之亡也楚漢爭之

叔孫豹及諸侯之大夫及陳袁僑盟○劉敞意林曰諸侯皆在是又稱叔孫豹及諸侯之大夫大夫受命於其君之辭也異乎澳梁

傳克鳩茲至于衡山注衡山在吳興烏程縣南○

臣召

南

按後漢郡國志吳郡烏程引此注又曰或曰丹陽縣之橫山去鳩茲不遠子重所至也按此說較杜爲長

傳今我易之難哉○趙汭補注曰傳記韓獻子之言與

五年范宣子之言見晉所以終棄陳于楚

臣浩

按自

七年鄆之會陳侯畏楚逃歸于是凡會盟陳不與矣
傳聞喪乃止疏晉士勾侵齊至穀○侵字下監本衍一

奪字今刪

傳陳無禮故也○趙汭曰不責諸侯不能救而責陳無
禮蓋緣武仲語而失之

傳晉侯享之金奏肆夏之三不拜注周禮以鐘鼓奏九
夏其二曰肆夏一名繁三曰韶夏一名遏四曰納夏

一名渠○

臣召南

按周禮本文韶夏作昭夏鄭注引

杜子春曰牲出入奏昭夏又按國語曰金奏肆夏繁
過渠鄭注周禮引之亦作繁

又音義八曰陔夏○

臣召南

按周禮本文作祫夏注

引杜子春曰祫讀爲陔鼓之陔

傳歌鹿鳴之三疏不言其三之名○言監本訛作拜今

改正

又疏夏大也言遂於天位也○

臣召南

按周禮注引

呂叔玉本文作言遂於大位謂王位也大字是

傳無終子嘉父○林堯叟曰子爵也嘉父其字

臣召南

按杜注不言無終國所在漢書地理志右北平郡無終故無終子國是也

傳恃其射也疏羿彈日烏焉解羽又羿彈十日也○楚辭天問及尚書疏引歸藏俱作彈監本作彈非也今改正

傳伯明后寒棄之○

臣召南

按后寒二字無解林堯叟

曰伯明之君惡其好讒寒棄之而不用趙汭補注曰
伯明君此寒國之時棄不收采二說未知孰是

傳有窮由是遂亡○顧炎武曰知錄云注曰汭因羿室
不改有窮之號非也哀元年傳稱有過澆矣此特承
上死于窮門而言以結取引夏訓之文耳

臣照

按哀

元年傳稱過澆者安知非推本澆之國本在過而謂
之過澆乎曷據而謂澆曾改國號曰過也杜氏去古
未遠謂不改有窮之號當非臆說

傳昔周辛甲之爲太史也疏晉語稱文王訪于辛尹○

臣召南

按晉語此胥臣之言也各本俱脫語字今補
又按史記周本紀文王待士辛甲大夫之徒皆往歸
之

又疏太傅胡廣○太傅監本訛作大傳今改正

春秋左氏傳注疏卷二十九考證

謹按第三頁前三行疏追書前事刊本監本毛本
書訛思據宋本改

第六頁後五行疏九日得庚辰諸本日訛月據宋
本改

後八行傳鄭師侵宋刊本師訛伯據宋本改

第十五頁後六行疏何當造不牢之甲諸本造訛
尚據宋本改

第十九頁後四行疏非獨為此事而言也諸本獨

訛以今據宋本改

第二十六頁前八行疏彼俱不敢聞諸本俱訛懼

據宋本改

第二十七頁後二行疏猶尚不得用之刊本猶訛

尤今改

第二十八頁前五行疏所以章臣之勤也刊本勤

訛覲今改

第三十二頁後四行注羿遂代相刊本代訛伐今

改



覆校官編修臣項家達

校對官編修臣張秉恩

騰錄監生臣吳魯